

## Brosnachaidh

Tha mi a' cur fàilte chridheil air *Gairm* agus a' guidhe gun soirbhich leis an oidhirp a tha na fir-dheasachaidh a' dèanamh a chur leabhran Gàidhlig eile ann an làmhnan na muinntir ris am bheil ar n-earbsa ar cànan a chumail air mhaireann. A' gabhail fo aire na chaidh a dhèanamh as leth na Gàidhlig bho chionn deich bliadhna fichead, agus a tha air a dhèanamh fhathast, ann am Bun-sgoilean agus an Ardsgoilean le luchd-teagaisg eudmhor, coimhlionta bu chòir gum bitheadh beò iarrtas aig mìltean, air Gàidhealtachd agus air Galldachd, air leabhraichean 'nan cànan fhéin a shealbhachadh agus a chnuasachd. Fhuair iad cothrom nach d'fhuair an ginealach do am buin mise agus leigeadh iad ris, o so suas, nach bi saothair na muinntir a tha a' cathachadh cho treibhdhireach as leth ar cànan an dìomhain. Chuir iomadh gairm eubh 'nan cluasan. Freagradh iad am fear so.

NIALL MAC GHILLE SHEATHANAICH,  
Rùnaire a' Chomuinn Ghaidhealaich.

## Stornoway Gazette

Am paipeir-naidheachd as adhartaiche ann an Gàidhealtachd na h-Alba. An aon phaipeir naidheachd a tha clò-bhuailte ann an eileana Innse-Gall. A h-uile seorsa clò-bhualadh air a ghabhail os laimh aig prìsean chuimseach.

---

*Pris a phaipeir:*  
*Tri sgillinn 's an t-seachdain.*

---

**67-69 Sraid Choinnich, Steornabhagh**  
**67-69 Kenneth Street, Stornoway**